

# **Nrhiavtxiv**

L  
E  
E  
J

T  
X  
I  
V



**Yam Tus Niam Yuav Tsum  
Tau Paub**

**Leej txiv yog dab tsi?**

“Leej txiv” txhais tau hais tias yog tus menuam txiv. “Kev txiav txim txog leej txiv” txhais tau hais tias xyuas seb leej txiv yog leej twg thiab txiav txim yam raws txoj cai seb tus menuam txiv yog leej twg.

**Yog vim li cas ho tseem ceeb uas yuav txiav txim txog leej txiv?**

Yog tias koj tsis tau yuav txiv thaum uas koj tus menuam yug los, koj tus menuam tsis muaj ib tug txiv raws txoj cai. Koj tus menuam muaj cai muaj ib tug niam thiab ib tug txiv. Thaum uas muab leej txiv lub npe tso rau hauv daim ntawv yug, tus menuam muaj ib co cai tshwj xeeb. Cov cai no tej zaum yuav muaj xws li nyiaj them yug menuam, kev tuav pov hwm rau kev kho mob, cov cai rau caj ces teej tug thiab nrog rau cov cai uas koom hauv ib pawg neeg twg. Koj tus menuam yuav tsim nyog rau cov nyiaj social security thiab cov nyiaj qub tub rog yog tias tus menuam txiv tuag los sis ua tsis taus lawm. Qhov no pom tau hais tias tus menuam paub txog nws tsev neeg li keeb kwm txog kev kaj huv ntawm cev (rau tej yam xws li ntshav qab zib thiab sickle cell). Tej zaum koj yuav ntseeg tias tsis tas txiav txim txog leej txiv vim tias tus txiv nyob nrog koj los sis npaj los pab koj thiab koj tus menuam. Tiam sis, tsim kom muaj qhov uas paub tias leej txiv yog leej twg raws txoj cai yuav muaj qhov tias koj tus menuam yeej muaj cai tiag.

Tsuas yog thaum uas muab tus txiv npe ntxiv rau hauv tus menuam cov ntaub ntawv yug xwb uas tus menuam thiaj li paub meej tias ob niam txiv raws cai yog leej twg tiag. Qhov no yog ib txoj kev uas tus txiv yuav qhia tau rau tus menuam hais tias nws tseem ceeb heev rau leej txiv, thiab leej txiv zoo heev rau nws.

## YAM TUS NIAM YUAV TSUM TAU PAUB

---

### **Kuv yuav pib qhov kev txiav txim txog leej txiv li cas?**

Kev xyuas seb leej txiv yog leej twg yuav pib thaum twg los tau tom qab yug koj tus menuam. Muaj plaub txoj kev uas yuav xyuas seb leej txiv yog leej twg.

**1)** Yog tias koj tsis tau yuav txiv thiab koj paub tseeb hais tias tus txiv yog leej twg, txoj kev uas yooj yim tshaj rau koj thiab tus txiv yog kos npe rau ib daim ntawv *Pom Zoo Txog Kev Yeem Thaj Tias Yog Leej Txiv* (*Voluntary Paternity Acknowledgment*) tom qab yug koj tus menuam. Yuav muab tus txiv lub npe ntxiv rau daim ntawv yug. Daim ntawv no tsis yog ua ib qho kev yuam kom them nyiaj yug menuam. Nws yuav cia tsev hais plaub yuam kom them nyiaj yug menuam yog tias tsim nyog. Daim ntawv no nkaus xwb yuav tsis yog tias tus txiv yuav tau cai saib xyuas tus menuam los sis cov cai seb tus menuam yuav nyob qhov twg (cia tuaj xyuas).

**Yog tias koj xav kom ntsuam xyuas roj ntsha (genetic), tsis txhob kos npe rau daim ntawv ua ntej qhov kev soj ntsuam ntawv ua tiav.**  
Koj nug tau koj lub laj fai saib xyuas kev them nyiaj yug menuam kom muaj kev ntsuam xyuas roj ntsha uaj ntej koj kos npe rau daim ntawv *Pom Zoo Txog Kev Yeem Thaj Tias Yog Leej Txiv*. Xyuas nplooj 1 yog xav paub ntxiv txog cov kev soj ntsuam roj ntsha.

Koj thiab leej txiv kos npe tau rau daim ntawv thiab kom muaj neeg ua pov thawj tom tsev kho mob thaum uas yug tau koj tus menuam. Tag nrho cov tsev kho mob hauv Wisconsin muaj daim ntawv *Pom Zoo Txog Kev Yeem Thaj Tias Yog Leej Txiv*. Koj tus neeg pab thaum koj yug menuam muaj daim ntawv no thiab.

Daim ntawv no muaj tom koj lub chav fai saib xyuas kev them nyiaj yug menuam. Koj lub chav fai them nyiaj yug menuam yuav pab koj

## LEEJ TXIV

---

txog daim ntawv no. Tus xov tooj rau koj lub laj fai saib xyuas kev them nyiaj yug menuam muaj nyob hauv koj phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv.

Daim ntawv *Pom Zoo Txog Kev Yeem Thaj Tias Yog Leej Txiv* tseem muaj hauv lub chav fai Sau Npe Ua Tswv (Register of Deeds) hauv nom tswv hauv nras cov tsev los sis hauv xeev lub chav fai Ceev Cov Ntaub Ntawv Tseem Ceeb (Vital Records) hauv Madison.

- 2) Koj thiab leej txiv yuav cog lus tau (pom zoo raws txoj cai) los pib ib qho txiav txim txog leej txiv thiab kev them nyiaj yug menuam. Qhov kev cog lus no tej zaum muaj kev npaj rau kev txiav txim siab txog koj tus menuam (seb leej twg tau) thiab kev tuaj xyuas koj tus menuam (chaw uas menuam nyob). Koj lub laj fai saib xyuas kev them nyiaj yug menuam yuav qhia rau koj seb qhov no yuav ua li cas. Cov tsev hais plaub yuav tsum tau pom zoo rau qhov kev cog lus no. (Koj thov tau kom lub laj fai saib xyuas kev them nyiaj yug menuam muaj kev ntsuam xyuas roj ntsha ua ntej koj kos npe rau daim ntawv cog lus no. Xyuas nplooj 1 txog cov kev ntsuam xyuas roj ntsha.)
- 3) Lub tsev hais plaub tej zaum yuav txiav txiv seb leej txiv raws txoj cai yog leej twg tiag. Tus txiv neej uas koj muab npe yuav hais kom tuaj rau hauv lub rooj hais plaub. Koj yuav tsum tuaj koom lub rooj hais plaub no thiab. Yuav hais nws cov cai thiab thiv meem rau nws. Yog tias nws hais tias nws yog leej txiv hauv tsev hais plaub, tej zaum yuav yuam kom nws them nyiaj yug menuam. Yog tias tus txiv neej hais tias nws tsis yog leej txiv los sis tsis paub tseeb, yuav yuam kom muaj ib qho kev ntsuam xyuas roj ntsha. Yog tias cov kev ntsuam xyuas no pom tau hais tias tej zaum nws yeej yog leej txiv tiag, yuav rov qab teem kom muaj ib qho kev hais plaub. Neb ob leeg yuav tau

## YAM TUS NIAM YUAV TSUM TAU PAUB

---

tuaj hauv lub rooj hais plaub no. Thaum hais plaub, tsev hais plaub yuav siv qhov uas pom tau ntawm cov kev ntsuam xyuas roj ntsha los txiav txiv seb leej txiv yog leej twg.

**4)** Yog tias koj thiab leej txiv sib yuav tom qab yug koj tus menuam thiab tsis tau txiav txim txog leej txiv, koj thiab leej txiv kos npe tau rau daim ntawv *Raws Txoj Cai (Legitimation)*. Koj nqa tau daim ntawv no tom koj lub laj fai saib xyuas kev them nyiaj yug menuam, koj lub chav fai Sau Npe Ua Tswv (Register of Deeds) hauv nras thiab hauv xeev lub chav fai Ceev Cov Ntaub Ntawv Tseem Ceeb (Vital Records). “Raws Txoj Cai” muab txoj cai rau koj tus menuam thiab leej txiv tib yam nkaus li uas koj twb yuav txiv ua ntej yug tus menuam. Ob niam txiv yuav tsum kos npe rau daim ntawv no, muaj neeg ua pov thawj thiab xa mus rau xeev lub chav fai Ceev Cov Ntaub Ntawv Tseem Ceeb (Vital Records) hauv Madison.

Yog xav tau kev pab txog kev txiav txim txog leej txiv, teem sij hawm nrog koj lub chav fai saib xyuas kev them nyiaj yug menuam (nyob hauv phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv).

**Kuv puas tseem yuav tau kos npe rau ib daim ntawv *Pom Zoo Txog Kev Yeem Thaj Tias Yog Leej Txiv txawm tias kuv twb nyob nrog leej txiv nyob lawm?***

Tsim kom muaj kev txiav txim txog leej txiv yuav muab ib tug txiv raws txoj cai rau tus menuam thiab ib co cai tseem ceeb rau tus menuam. Li ntawv, nws tseem ceeb heev uas yuav tau txiav txim txog leej txiv yam raws txoj cai tam sim no. Tej zaum koj yuav xav kom lub tsev hais plaub cia leej txiv muaj cai saib xyuas tus menuam kom nws thiaj li txiav txim tau yam raws txoj cai rau tus menuam (piv txwv li, kev txiav txim siab txog kev kho mob).

**Kuv puas yuav tsum tau ib tug kws lij choj?**

Lub laj fai saib xyuas kev them nyiaj yug menuam muaj tus kws lij choj uas ua cov ntaub ntawv thaum muaj teeb meem txog kev cai lij choj ntawm kev txiav txim txog leej txiv.

Laj fai saib xyuas kev them nyiaj yug menuam tus kws lij choj **tsis sawv cev** koj, tiام sis sawv cev rau lub xeev. Koj ntiav tau ib tug kws lij choj yog tias koj xav tau.

**Yog tias kuv tsis paub seb leej txiv yog leej twg los sis kuv tsis paub tseeb ne?**

Koj tus neeg khiav cov ntaub ntawv yuav pab koj xyuas seb leej txiv ntawm koj tus menuam yog leej twg. Yog tias muaj ntau tshaj ib tug txiv neej uas tej zaum yuav yog leej txiv, yuav kom koj muab lawv cov npe thiab cov lus txog txhua tus ntawv es thiaj li ntsuam xyuas tau roj ntsha.

**Kev ntsuam xyuas roj ntsha...Lawv ua tau dab tsi?**

Muaj ob hom kev ntsuam xyuas roj ntsha. Ib qho yog tso ntshav mus soj ntsuam. Qhov ob yog hu ua “buccal swab”. Rau qhov kev soj ntsuam no, yuav muab ib tug rwb los txhuam hauv lub qhov ncauj kom tau cov cell coj los ua piv txwv. Hom kev ntsuam xyuas no yog hom uas siv heev tshaj. Tag nrho ob hom kev ntsuam xyuas no, yuav muab cov DNA ntawm koj, leej txiv uas pom tau tias tej zaum yog thiab koj tus menuam. Cov kev qhia ntawm cov kev ntsuam xyuas no yuav qhia tau qhov kws yees ntawm ib tug txiv neej uas nws yuav los ua tau leej txiv.

Tsev hais plaub siv cov kev paub no los txiav txim txog leej txiv.  
Raws txoj cai, ib tug txiv neej yuav pom tau hais tias yog leej txiv

## YAM TUS NIAM YUAV TSUM TAU PAUB

---

thaum uas qhov kev ntsuam xyuas ntawv qhia tau tias nws yog leej txiv  
yam tsawg yog 99% los sis ntau tshaj.

### **Leej twg them rau cov kev ntsuam xyuas roj ntsha no?**

Lub laj fai saib xyuas kev them nyiaj yug menuam yuav them rau cov  
kev ntsuam xyuas roj ntsha no kom txog thaum uas paub tias leej txiv  
yog leej twg. Thaum uas paub meej tias leej txiv yog leej twg lawm,  
koj thiab/los sis tus menuam txiv tej zaum yuav raug yuam los them  
rau tag nrho los sis ib seem ntawm qhov kev ntsuam xyuas no.

### **Yog tias tus menuam txiv tseem kawm ntawv ne?**

Yog tias leej txiv tseem kawm ntawv thiab yuav pab tsis tau koj tus  
menuam, tsev hais plaub tej zaum yuav txiav txim los sis tsis txiav  
txim cia tos kom txog thaum uas nws kawm ntawv tiav thiab ua hauj  
lwm. Yog tias nws muaj 18 xyoo rov hauv, tsev hais plaub tej zaum  
yuav yuam kom nws niam nws txiv pab them nyiaj yug menuam.  
Nrog koj tus neeg khiav cov ntaub ntawv txog kev them nyiaj yug  
menuam tham tau.

### **Yog tias tus menuam txiv tsis muaj hauj lwm ua los sis ua nyiaj tsis tau ntau ne?**

Tej zaum tsev hais plaub yuav yuam kom nws mus nrhiav hauj lwm  
yog tias nws tsis ua hauj lwm thiab tseem ua taus hauj lwm, los sis yog  
tias nws ua hauj lwm tsis tau nyiaj ntau. Tsev hais plaub tej zaum yuav  
xyuas leej txiv cov nyiaj txiag thaum uas txiav txim rau qhov kev them  
nyiaj yug menuam. Tsev hais plaub tej zaum yuav yuam kom nws  
nkag rau hauv Children First Program los pab kom nws ua hauj lwm  
tau nyiaj ntau los them nyiaj yug menuam. Cov kev pab uas los  
ntawm kev yeem thaj tej zaum yuav muaj los pab leej txiv nrhiav kom  
tau hauj lwm los sis ib txoj hauj lwm zoo dua.

**Kev txiav txim txog leej txiv muaj feem dab tsi nrog rau W-2,  
Medicaid, TANF, kev zov menuam thiab nyiaj muas noj?**

Thaum uas koj koom hauv W-2, Medicaid \*, TANF, Child Care, los sis qhov kev pab Food Stamp, koj yuam tsum pab lub laj fai saib xyuas kev them nyiaj yug menuam txiav txim txog leej txiv. Yog tias leej txiv yeej tau kev yuam kom them nyiaj yug menuam thiab koj koom hauv qhov kev pab W-2 los sis TANF, tej zaum yuav kom leej txiv koom hauv qhov kev pab W-2 los sis TANF rau Cov Niam Txiv Uas Tsis Tau Cai Saib Xyuas Tus Menuam los pab nws ua kom tau nyiaj ntau txaus los them nyiaj yug menuam. (\* Medicaid muaj cov kev pab BadgerCare thiab Healthy Start.)

**Yuav ua li cas yog tias nws hawv kuv los sis kuv ntshai qhia seb leej txiv yog leej twg ne?**

Yog tias nws hawv koj, tej zaum koj yuav tau kev pab los ntawm tsev hais plaub. Koj yuav tsum hu rau tub ceev xwm yog tias leej twg hawv txog qhov uas yuav ua phem rau koj los sis koj tus menuam. (Koj nug tau tub ceev xwm kom muaj ib qho kev yuam tus neeg uas hawv koj ntawv tsis pub los ti koj.) Yog tias koj koom hauv cov kev pab W-2, TANF, Medicaid, Kev Zov Menuam los sis Food Stamp, thiab koj los sis koj tus menuam raug hawv, tej zaum koj muaj ib qho “kev zam uas tsim nyog ” uas tsis kam qhia leej txiv ntawm koj tus menuam lub npe. Koj yuav tau sau ib co ntawv thiab muab pov thawj tias koj los sis koj tus menuam raug kev phom sij. W-2/Economic Support Agency yuav tshawb fawb txog koj qhov teeb meem. Yog tias tus neeg ua hauj lwm hauv laj fai pom zoo tias koj tus menuam muaj kev phom sij, yuav tsis txiav koj nyiaj rau qhov uas koj tsis kam qhia leej txiv uas tej zaum yog tus menuam txiv lub npe.

Yog tias koj xav kom muaj kev txiav txim txog leej txiv thiab tau nyiaj, koj yuav muaj tau ib qho “kev tiv thaiv txog tej yam feem nraim” kom

## YAM TUS NIAM YUAV TSUM TAU PAUB

---

tiv thaiv koj qhov chaw nyob, xov tooj, chaw ua hauj lwm los sis lwm cov lus txog seb koj nyob qhov twg.

### **Tus menyuam txiv los sis tsev neeg tshem puas tau tus menyuam ntawm kuv mus?**

Nyob rau hauv Wisconsin txoj cai, thaum uas tus menyuam leej niam leej txiv tsis tau sib yuav thiab tsis tau txiav txim txog seb leej twg yog leej twg tiag, tus uas tau cai saib xyuas tus menyuam yeej yog leej niam xwb. Thaum uas txiav txim tau seb leej txiv yog leej twg lawm, txoj cai saib xyuas yuav tso rau leej niam kom txog thaum uas tsev hais plaub yuam kom nws hloov. Tsev hais plaub tej zaum yuav pom tau hais tias qhov zoo tshaj rau koj tus menyuam yog koj thiab leej txiv neb ob leeg sib koom saib xyuas tus menyuam. (Kev saib xyuas txhais tau hais tias txiav txim siab raws txoj cai tau rau tus menyaum.) Yog tias koj thiab leej txiv tsis pom zoo rau qhov kev tuaj saib xyuas (tseem hu ua chaw uas menyuam nyob), koj los sis leej txiv nug tau kom tsev hais plaub teem lub sij hawm tuaj xyuas. Tsev hais plaub yuav xav paub txog seb koj thiab leej txiv xav li cas txog kev saib xyuas tus menyuam thiab qhov muab tus menyuam tso rau qhov twg (kev tuaj xyuas). Tsev hais plaub yuav nug kom koj thiab leej txiv kom npaj ib “lub hom phiaj txog kev ua niam ua txiv.”

**Kuv nyob nrog leej txiv. Kev txiav txim txog leej txiv puas txhais hais tias kuv yuav tau txais nyiaj yug menuam?**

Kev txiav txim txog koj tus menuam txiv nws txawv ntawm kev them nyiaj yug menuam. Kev txiav txim txog leej txiv muab ib leej txiv raws txoj cai thiab muab ib co cai tseem ceeb rau tus menuam. Qhov ntawv kiag xwb tsis tau pib ib qho kev yuam kom them nyiaj yug menuam. Kev txiav txim txog koj tus menuam txiv tam sim no yuav ua kom yooj yim rau koj yav pem suab yog tias koj txiav txim tias koj xav tau nyiaj yug menuam. Yog tias koj xav tau nyiaj yug menuam, kev txiav txim seb leej txiv yog leej twg yuav tsum pib ua ntej tso.

Yog tias koj pib qhov kev txiav txim seb leej txiv yog leej twg los ntawm qhov uas siv daim ntawv *Pom Zoo Txog Kev Yeem Thaj Tias Yog Leej Txiv*, tej zaum koj yuav tsis tas tau ib qho kev yuam kom them nyiaj yug menuam. Yog tias koj nug kom koj lub laj fai saib xyuas kev them nyiaj yug menuam txiav txim txog leej txiv, lub laj fai tej zaum yuav nug kom tsev hais plaub yuam kom them nyiaj yug menuam.

Yog tias Medicaid them cov nqi thaum yug, tsev hais plaub tej zaum yuav kom leej txiv them rov nqi thaum yug rov qab.

Yog xav paub ntxiv txog kev them nyiaj yug menuam, nyeem phau ntawv *Wisconsin Child Support Program (Wisconsin Kev Them Nyiaj Yug Menuam)*. (Cov phau ntawv cov npe muaj sau rau nplooj 1.)

## Lwm Cov Phau Ntawv Txog Kev Them Nyiaj Yug Menyuam

### **Cov Ntsiab Lus Siv Hauv Kev Cai Lij Choj**

Cov ntsiab lus uas siv hauv kev cai lij choj tej zaum yuav tsis meej pem heev. Cov ntsiab lus no tej zaum yuav pab tau koj nkag siab txog txoj kev nrhiav leej txiv.

**Tus Txiv Uas Pom Tau Tias Tej Zaum Yog (Alleged Father):** Tus txiv neej uas tus niam hais tias yog tus menyuam txiv los sis ib tug txiv neej uas nws ntseeg tau hais tias nws yog tus txiv thiab pib qhov kev nrhiav leej txiv.

**Children First Program:** Ib qho kev pab uas pab txog kev nrhiav hauj lwm, kev xyaum hauj lwm, kev kawm ntawv los sis kev xyaum kom paub ua hauj lwm rau cov niam txiv uas them nyiaj Yug menyuam. Tsev hais plaub yuav tsum tau yuam tus niam txiv ntawv los mus rau hauv Children First Program.

**Lub Sij Hawm Uas Xeeb Menyuam (Conceptive Period):** Lub sij hawm thaum uas tej zaum xeeb tus menyuam. Rau cov uas muaj menyuam zoo, nws yog lub sij hawm 60 hnub, li ntawm 240 mus rau 300 hnub ua ntej Yug.

**Tus Tau Cai Saib Xyuas (Custody):** Txoj cai txiav txim tej yam loj rau tus menyuam uas muab rau ib los sis ob tug niam txiv. Ib leej niam los sis leej txiv (ib leeg tau cai) los sis ob niam txiv (ob leeg sib koom cai) tau cai los tau.

**Tus Neeg Saib Xyuas (Guardian):** Ib tug neeg uas tsis yog leej niam leej txiv uas muaj cai saib xyuas tus menyuam. Feem ntau menyuam tsis tshua muaj ib tug neeg saib xyuas raws txoj cai. Qhov no tsuas muaj thaum uas tsev hais plaub cia lwm tus neeg uas tsis yog leej niam leej txiv tau txoj cai los saib tus menyuam.

**Lub Sij Hawm Ntawm Qhov Chaw Tus Menyuam Nyob (Periods of Physical Placement):** (tseem hu ua kev tuaj xyuas) Lub sij hawm uas tus menuam nrog leej niam los sis leej txiv.

**Qhov Chaw Tus Menyuam Nyob Heev Tshaj (Primary Physical Placement):** Qhov chaw uas tus menuam nyob feem ntau.

**Temporary Assistance for Needy Families (TANF):** Tsoom fwv ib qho kev pab uas muaj sij hawm xaus los pab cov neeg uas xav tau kev pab uas muaj menuam.

**Tus foob (Petitioner):** Ib tug neeg uas ua tsab ntawv foob rau hauv tsev hais plaub, tseem hu ua tus ua ntawv thov.

**Tus raug foob (Respondent):** Ib tug neeg teb tsab ntawv foob hauv tsev hais plaub, tseem hu ua tus tiv thaiv.

**Wisconsin Works (W-2):** Xeev ib qho kev pab nrhiav hauj lwm, uas tau nyiaj los ntawm TANF, uas pab cov niam txiv nrhiav hauj lwm. W-2 pab txog kev zov menuam, tsheb thauj mus los, kev xyaum hauj lwm thiab kev kawm ntawv.

## Lwm Cov Phau Ntawv Txog Kev Them Nyiaj Yug Menyuam

### **Lwm Cov Phau Ntawv Txog Kev Them Nyiaj Yug Menyuam (Hmoob)**

Cov phau ntawv nram qab no muaj hauv koj lub nras los sis lub laj fai saib xyuas kev them nyiaj Yug Menyuam (nyob hauv phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv). Cov no muaj nyob rau hauv Internet <[childsupport.wisconsin.gov](http://childsupport.wisconsin.gov)>. Feem ntawv cov tsev teev ntawv muaj kev nkag mus rau hauv Internet.

Wisconsin Kev Them Nyiaj Yug Menyuam (The Wisconsin Child Support Program)

Cov Qauv Uas Tsim Tseg Seb Them Nyiaj Npaum Licas Mus Yug Menyuam (Guidelines for Setting Child Support Payment Amounts)

Nyiaj Yug Menyuam—Yam dabtsi leejiham los sis leejtxiv uas raug Yug Menyuam yuav tsum paub (Child Support -- What the Paying Parent Needs to Know)

Medicaid thiab Them Cov Nujnqis Thaum Yug Tus Menyuam (Medicaid, Child Support, and Repayment of Birth Costs)

Medicaid thiab Nyiaj Yug Menyuam (Medicaid, Child Support, and You)


Txivog Leejtwg Tiag: Cov Txiv Yuav Tsum Tau Paub Txog (Legal Fatherhood (Paternity): What Fathers Should Know)

Pab Koj Tus Menyuam Mus Ib Ruam Ua Ntej (Help Your Baby Get a Step Ahead)

W-2, Kev Them Nyiaj Pab Yug Me Nyuam, thiab Koj—Sib Koom Siab thiab Muaj Tseeb (W-2, Child Support and You - Cooperation and Good Cause)

Thaum uas Cov Hluas Los Ua Niam Ua Txiv (When Teens Become Parents)

## **Kuv yuav hu leej twg yog xav tau kev pab?**



Hu rau koj lub nras los sis lub laj fai saib xyuas kev them nyiaj yug menuam (nyob rau hauv koj phau ntawv xov tooj hauv “County Government” (tsoom fwv hauv nras) los sis ntawm lub npe hauv pawg ntawv).

Cov lus txog Kev Them Nyiaj Yug Menyuam muaj nyob rau hauv Internet ntawm <**www.dwd.state.wi.us/bcs**>

Feem ntau cov tsev teev ntawv muaj kev nkag mus rau hauv Internet.

DWD yog ib tug tswv hauj lwm thiab chaw pab uas muaj kev sib luag. Yog tias koj muaj kev ib ce tsis meej xeeb thiab xa tau cov lus no ua lwm hom ntawv, los sis txhais ua lwm hom lus, thov hu (608) 266-9909 los sis (800) 947-3529 WTRS (Hu Dawb).

Legal Fatherhood (Paternity) What Mothers Should Know (Hmong)

DWSC-672-H-P (R. 9/2004) (T. 10/2004)